

本草彙言

本草彙言卷之四

錢塘

倪朱謨純字甫集選

男倪洙龍冲之氏藏稿

沈琯西璵甫校正

草部

隱草類下

生地黃味甘氣寒無毒氣薄味厚沉而降陰也入手足少陰厥陰及手太陽經酒浸上行外行日乾者平火乾者溫功用相同蒸熟者溫平而補少滯氣泥膈惟和砂仁酒再蒸乃佳

本草彙言
陳藏器曰地黃出江南懷慶及浙杭今咸陽渭城亦有以江南者爲上二月生苗高者不及尺餘低者僅四五寸葉似車前葉上有皺文而毛滑又似小芥葉而頗厚中心皺紋如撮莖上有細毛莖稍開小筒子花紅黃色亦有紫色白色者結實如小麥粒甚細而色沙褐根長四五寸如人手指通黃色粗細長短不一間有枝重一

兩外者汁液最多雖暴焙極燥則則轉潤古人種子全
惟種根入土即生種宜肥壤寬地則根大而多汁液其
法以葦席圍編如車輪徑丈餘以土實葦席中為壇壇
上又以葦席實上為一級比下壇徑收一尺如此數級
乃以地黃根節寸斷之貯壇上層層令滿逐日水灌令
茂盛至春秋分時自上層取之根皆長大而不斷折不
被壅傷故也本草以二月八月采根殊未窮物性八月
殘葉猶在莖中精氣未盡歸根二月新苗已生根中精
氣以上滋于葉不如正月九月采者氣全也又曰江浙
種者受南方陽氣質雖光潤而力微懷慶山崖種者稟
北方純陰皮有疙瘩中有花心而力大也李時珍曰鮮
地黃搗汁治吐血熱疹及傷寒陽毒熱極其性涼日曝
乾者為生地黃其性平蒸熟色純黑其性溫補蒸熟地
法取地黃百觔擇肥大者六十觔洗淨土氣曝令微乾
以揀下者四十觔亦洗淨木石日中搗爛絞汁拌前曝
乾地黃日中再曝乾甌上蒸半日即成熟地黃矣生乾
地黃與熟地黃惟取粗大者為佳如細小者恐能
滑脾胃惟入諸湯煎藥料中解熱涼血常用之

○地黃涼血補血之藥也生則入于少陰涼血而生血熟

則入足少陰補血而滋陰所以嘔吐咯衄唾血之證非

此不除驚悸怔忡煩熱之證非此不効蓋心腎之要藥也復入厥陰肝經生則涼血而明目熟則補肝而益膽但入少陰心與太陽小腸經爲陽分之藥宜生而不宜熟是以崩漏淋帶吐血衄血溺血便血瘡疥熱血或胎動下血或小便赤澀大便閉結諸證當以涼血解熱降火潤燥之劑生地黃足以治之入少陰腎經爲陰分之藥宜熟而不宜生是以陰虛不足血氣有虧情慾斲喪精髓耗竭腎水乾涸或血虛勞熱或產後血分虧損或大病之後足膝乏力諸證當以補血滋陰益腎填精之劑熟地黃足以補之

又按生地稟仲冬之氣得土之正色合地之堅凝爲補

腎要藥益陰上品。故涼血補血有功。血得補則筋受榮
降得之而骨強力壯。又胎產勞傷皆血之愆。血得其養
則胎產獲安。或腎開竅于三陰。而血主濡之。三便所以
潤也。熟地稍溫。其功更溥。六味丸以之爲首。天中所以
之本也。四物湯以之爲君。乙癸同源之義也。久病陰傷
新產血敗。在所必需者也。但二地之性涼而泥膈。凡產
後惡食作瀉。雖見發熱惡露作痛。不可用。誤用則泄不
止。胃氣者。後天元氣之本也。胃困則飲食不運。精血不
生。虛熱何自而退。凡見此證。宜多用炮薑。桂心。人參。白
朮。必自愈也。凡陰虛咳嗽。內熱骨蒸。或吐血等候。一見
脾胃薄弱。大便不實。或天明溏泄。產後泄瀉。產後不食。

久病不食俱禁用地黃。凡胸膈多痰氣道不利升降窒塞藥宜通而不宜滯。湯丸中亦禁入地黃。設有氣證當用而不可無者則以桂心少佐可也。痰證當用而不可少者則以薑汁拌炒可也。

盧不遠先生曰。地黃別名地髓。苗不能高。生意在根。味甘色黃。沉重多汁。當入脾。爲脾之腎藥。熟之則色黑。能入腎填髓。反爲腎之脾藥。形如血脉。本經用主傷中。填骨髓。長肌肉。療折跌絕傷諸疾。思其命名地髓。質潤膏肥可知矣。又謂逐血痺。除寒熱積聚者何耶。蓋血者取中焦水穀之液。變化赤色。以行經隧。如水如汁。如經隧皆象其形。痺者閉而不通。隨其血之不通而爲病。如在

目則赤。在齒則痛。在肉則癰腫。在心則昏煩。在肺則
欬血。壅遏而爲身熱。枯耗而爲燥。澹痿軟。泥濫而爲吐
衄崩漏。血痺。頗廣各以類推。逐者。俾其流通之義也。觀
其入土易生可知矣。鬚髮爲血脉之餘。血痺則黃赤。易
見。可使之黑者。痺去而血華也。性惟潤下。功力到時。無
便通利。以爲外徵。如血中有痺。則骨髓不滿。肌肉不長。
筋脉斷絕。均謂傷中。若填滿若生長。若接續皆克成血
液之流通者也。所云寒熱積聚。惟從痺字中生。第加一
轉語耳。因彼不通。所以積聚。若作五積六聚。用地黃以
除之。未有不反益其積聚者。如寒中陽虛胃弱之證。在
所必忌。否則膩膈滑腸。中滿減食矣。

陳廷采先生曰。按丹溪方云。氣病補血。雖不中病。亦無害也。讀之不能無疑焉。夫補血藥劑。無逾地黃當歸。若服過多。其性纏滯。每于胃氣。亦有虧爾。嘗見胃虛氣弱。不能運行。血越上竅者。用此合成四物湯。以爲涼血補血之劑。多服調治。反致胸膈痞悶。飲食少進。上吐下瀉。氣喘嘔血。日漸危迫。去死幾近。此皆因血藥傷其沖和胃氣。安得謂無害耶。大抵血虛固不可專補其氣。而氣虛亦不可過補其血。所貴認證的真。量劑佐助。庶幾不失于偏損也。

○集方。治血崩血漏血淋血帶。不拘新久。用地黃三觔。煎濃汁數碗。再加川黃連。真阿膠。丹參。牡丹皮。人參。各一

兩同汁煎稠。濾去渣。緩火慢煎熬成膏。每早晚各服十餘匙。白湯下。如久病虛極。本方再加鹿膠四兩。如法服。

①治吐血不止。用生地黃。搗汁一升二合。入真鹿角膠。

三兩。砂鍋內煎。以膠化盡為度。每服一二杯。○治心熱。

吐衄。以脉數能食者。用生地黃汁一升。入酒煮大黃膏。

一兩。同熬將稠。濾去大黃。以生地膏汁頻頻飲。○治鼻。

出衄血不止。用生地黃和地龍共搗成膏。以薄荷湯調。

服。每次半盞。徐徐飲即止。○治吐血便血。以生地黃汁。

一升。銅器煎沸。入牛皮膠一兩。待化。再入薑汁半盞。分。

五服。即止。或微轉一次不妨。○治腸風下血。用生地黃。

酒浸。莫搗膏。三兩。北五味子。薑炭各一兩。蒼朮二兩。共。

爲末，搗和地黃膏爲丸。每早晚各服三錢。○治小便血

以生地黃三兩、建蓮肉二兩、麥門冬去心一兩、水五碗

煎一碗，徐徐服。○治諸瘡熱血痛痒，用生地黃、土茯苓

各三兩、金銀花、紫花地丁各一兩、枸杞子四兩，用水十

碗煎四碗，徐徐飲。○治胎動下血，用生熟地黃四兩、甘

草五錢、雞子清十箇，共煎汁，徐徐飲。○治小便赤澀，癢

閉，用生地黃一兩、茯苓、車前子各五錢，燈心百枝，水煎

如熱甚，加川黃連一錢。○治大腸血熱、血燥、虛閉不通

以生地黃八兩、酒水各四碗煎汁飲。○治陰虛不足、腎

水乾涸，用熟地黃、山茱萸、枸杞子、白茯苓、麥門冬、龜甲

膠、龜板膠、人參、知母。○治產後血分虧損、精神衰憊，用

熟地黃。杜仲。當歸。白朮。白芍。丹參。黃耆。枸杞子。阿膠。○
治大病後。足膝乏力。精神困倦。用熟地黃。於白朮。黃耆。
麥門冬。石斛。枸杞子。山藥。山茱萸。○治心虛驚悸。怔忡。
健忘。用熟地黃。人參。遠志。麥門冬。酸棗仁。柏子仁。茯神。
甘草。○治產後。一切血虛發熱。用熟地。當歸。川芎。蒲黃。
炒黑豆。炮薑。澤蘭。益母草。牛膝。續斷。杜仲。鹿角膠。○治
鬚髮黃白不黑。用熟地黃。何首烏。桑椹子。甘菊花。蜀椒。
○治小兒齒牙不生。用熟地黃。鹿茸。五味子。人參。人乳
粉。白茯苓。○治婦人經事不調。用熟地黃。白芍。藥。當歸。
身。川芎。阿膠。蘼艾。香附子。○治男婦子嗣虛。必用熟地。
黃。人參。枸杞。五味子。麥門冬。鹿茸。車前。覆盆子。兔絲子。

○治男婦精血不足用熟地黃沙苑蒺藜肉蓯蓉鹿茸
山茱萸北五味子。○二地入瓊玉膏爲陰陽兩補之劑。
○治肝腎一經目疾用懷慶大生地一觔酒洗淨真甘州
枸杞一觔用淡水砂鍋內煎汁以渣無味爲度去渣將
清汁裝大瓶內重湯煮以汁十耗其九入煉蜜六兩收
入淨磁瓶內早晚白湯調服十餘茶匙。○治多思謀慮
心神不寧不能眠者用懷生地麥門冬俱酒煮搗膏棗
仁茯神丹參沙參各二兩竹茹遠志甘草北五味子各
二錢俱炒過共爲末和入麥冬地黃膏內煉蜜爲丸如
彈子大每早晚各服一丸此藥安養心神滋陰補腎有
水火既濟之妙。

六味丸

治形體虛弱五藏齊損腎氣久虛寢汗發熱無

腎虛發熱

自汗盜汗血虛血熱陰虛津液不降水泛為

痰血虛發熱

或為咳逆或為痿痺或為小便不禁淋瀝

文冲使後關利

而脾土健則之用熟地黃八兩酒煮搗

膏山茱萸肉

山藥白茯苓各四兩牡丹皮澤瀉各二兩

俱為細末

和入地黃膏內煉蜜丸梧子大每早服五錢

白湯下

加肉桂

便製附子各一兩名八味丸治命門火衰不能

寒飲食少思大便不實

以下元冷傷脾腹疼痛

加牛膝

車前子名金匱腎氣丸治脾腎虛腰重脚腫肚

不利或喘急痰壅已成

才腫脹為之證非此藥不能救

治脾腎虛

腰重脚腫肚

治命門火衰

不能

治脾腎虛

腰重脚腫肚

治命門火衰

不能

治脾腎虛

腰重脚腫肚

治命門火衰

不能

牛膝。味苦微甘。氣寒。性滑無毒。味厚氣薄。陰也。降也。入足

三陰經引諸藥下行甚捷。

別錄曰。牛膝生河內川谷及臨朐。江淮。閩。粵。川。陝。等處。蔡州者。最長大柔潤。其莖有節。節大者為勝。河北者。色白。然不及懷慶者為妙。家栽時者為良。冬初收子。至春種之。春生苗。方莖高二三尺。紫色。有節如鶴膝。葉皆對生。頗似莧而長。且尖。前秋。月節上開花成穗。結實如小鼠負蟲。有濇毛。貼莖倒生。根柔潤而細。一直生下。長者約二三尺。九月采根。洗淨。日乾用。凡使須去蘆頭。酒浸。入藥。又蘇州者。色紫。與江浙並稱。土牛膝。性寒。破血通經。利小便。閉濁。淋瀝。諸證。

○牛膝。健腰膝。壯筋脉。活滯血之藥也。其滋補筋脉之功。

如牛之多力也。入厥陰少陰二經。主風濕寒熱之邪。留

滯血。軀肢節之間。醞釀成熱。為病痿痺拘攣。不可屈伸。

腰膝軟弱。脚氣腫脹。或夢遺精滑。淋濁澀痛。或產後惡

血留滯不行。或瘡疾久發。血氣凝滯。是皆足三陰風濕寒熱之邪。壅閉成痺之證。惟牛膝可以治之。又逐瘀血通經脉。落死胎。消癰腫。續折傷。散喉痺。止尿血。淋脹。及男婦意念所動。積鬱成勞。血敗精凝。諸病是皆足三陰氣滯血瘀之證。惟牛膝可以行之。大抵牛膝之劑。功在去風活血。故腰膝骨病。與痛風在下者。宜多用之。欲其補腎滋肝。必倍杞朮。歸地。山茱萸。鹿角膠。可也。然誤用傷血墮胎。經閉未久。疑似有娠者。勿用。上焦藥勿用血崩不止者。勿用。胃寒脾泄者。勿用。

繆仲淳先生曰。牛膝體燥性潤。獨理肝腎二經。肝爲血海。而主筋。血海得潤。則經脉通。而攣急者解矣。又骨者。

腎所主也。腰者腎所府也。精者腎所藏也。小便者腎所司也。理腎則衆疾咸安。淋濁澀痛之患除矣。有墮胎者以其破血下行耳。

○集方治腰脊軟弱疼痛及一切痿痺四肢拘攣筋骨牽

下九方見方脈止崇

強不能屈伸用牛膝一觔白朮仙茅木瓜石斛石楠華

五加皮草薢生地黃黃耆白芍藥虎骨杜仲續斷黃柏

白蘚皮各四兩酒浸蒸飲或作小丸每早服三錢白湯

送亦可○治一身血脉壅滯爲腫爲脹爲喘痛用牛膝

八兩川貝母薑製半夏各二兩肉桂五錢共爲末每早

晚各服三錢白湯調送○治風寒濕熱四氣相合爲病

脚氣腫脹難履用牛膝十兩草薢蒼朮石斛木瓜各三

兩龍膽草一兩分撮十劑水煎食前服○治鶴膝風用
朱膠木瓜五加皮骨碎補金銀花紫花地丁黃柏革薺
甘菊根水煎服○治夢遺精滑淋濁或莖中澀痛用牛
膝二兩遠志蓮肉生地黃甘草滑石牡蠣粉各五錢共
爲末燈心湯調服○治小便不利莖中痛欲死兼治婦
人血結腹堅用鮮牛膝三四兩白酒煎濃服之立愈○
治產後惡血留滯不行用牛膝紅花各一兩乳香沒藥
當歸尾川芎玄胡索五靈脂各三錢草烏二錢酒洗炒
水煎服○治久瘡不愈用牛膝白朮鼈甲當歸半夏各
五錢生薑五片黑棗五箇水煎服○治婦女經水不通
用牛膝當歸各四兩爲末煉蜜丸食前白湯下五錢○

治胎死不下。或胞衣不出。用牛膝八兩。冬葵子一合。朴

硝五錢。當歸尾一兩。水六升。煎二升。分三次服。○治熱

毒癰腫。或卒得惡瘡。不辨識者。用新鮮土牛膝八兩。搗

爛取汁。和生白酒飲。以渣敷毒處。可滅大勢。○治跌打

閃胸折傷節骨。用牛膝當歸尾各八兩。水煎頻頻飲。可

止痛消腫續折。○治喉痺乳蛾。用鮮牛膝根一握。艾葉

七片。搗和人乳汁。灌入鼻內。須臾痰涎從口鼻出。即愈。

○治小便帶血。用牛膝四兩。生地二兩。水煎頻頻服。立

止。○治婦人陰痛。用牛膝五兩。酒三升。煎取一升。去渣

溫服。○治生胎欲去。用牛膝一握。搗以無灰酒二碗。煎

八分。空心服。仍以獨根土牛膝塗麝香。插入牝戶中。○

治消渴不止。下元虛損。以牛膝五兩。生地黄五兩。水煎。徐徐服。久服駐顏色。黑髮。髮津液自生也。○治金瘡作痛。用牛膝生搗敷立瘡。

海上方。治眼科諸疾。用川牛膝五錢。蟬退。甘菊花各三錢。燈心二十根。水煎服。○治暴發赤腫者。暴赤失明者。暴生翳膜者。暴發風淚者。暴發疼痛連及頭腦者。發熱惡寒嘔逆者。俱加荊芥薄荷。白芷。前胡。羌活。防風。乾葛。黃芩。木賊。白蒺藜。歲時。甘草。內熱甚者。加石膏。黃連。大便秘結者。加酒煮大黃。如久病目昏。冷淚。黑花。視物目珠痠痛。或勞傷目力。或色慾傷神。俱加生熟地。黃當歸。川芎。枸杞。知母。白朮。黃耆。甘草。白芍。薏麥冬。

紫苑味苦氣溫無毒入手太陰兼入足陽明經

蘇氏曰紫苑生漢中房陵山谷及真定邯鄲今近道亦有三四月布地生苗其葉二四相連五六月開黃白紫花本有白毛結黑子根極柔潤色紫有節宛如薔薇之下垂也又白色者名女苑治瘰癧相同按陳白明云紫苑以牢山所出根如北細辛者為良近苑以東亦有之今人多以車前旋覆根以赤土拌染偽充不可不辨修治去鬚頭及土水洗淨曬乾用

紫苑順肺氣散鬱結止勞嗽之藥也其色紫其性潤其

味苦辛故本草主欬逆上氣胸中寒熱結氣欬逆肺

也胸中肺部也肺中有火清氣為熱所結內鬱而為欬

喘痰涎膿血之證外發而為痿躄體軟脊強之證皆

火傷金鬱之病也如別錄治小兒驚癇大人虛損老人

血枯氣燥大便不通悉能治之總解金鬱之用也觀

問方謂能開喉痺取惡涎則行散之功烈矣而其氣溫如肺病欬逆喘皆陰虛肺熱證也又不宜專用及冬用卽用之亦須與天麥門冬生熟地黃諸寒潤藥并劑方善

李士材先生曰紫以色名苑以功名苑鬱也解肺金之鬱也又味苦兼辛苦能下達辛可清金故吐血保肺收爲上品雖入至高善于下趨使氣化及于州都小便自利人所不知

○集方治肺傷風寒氣閉咳嗽用紫苑方前胡杏仁各三錢生薑三片葱頭三個水煎服○治陰虛勞嗽用紫苑方冬花各一兩川貝母百部各五錢共爲末作散每服三

錢北五味五粒。泡湯送下。或蜜丸。噉化亦可。○治虛勞咳嗽。胸脹氣逆。寒熱諸證。用紫苑銀柴胡北沙參各三錢。麥門冬五錢。水煎。日服一劑。漸効。○治虛勞肺癰。膿血聲音不亮。用紫苑百合麥門冬懷熟地各四兩。煎膏服。○治虛勞肺痿。漸至四肢痿痺者。用紫苑八兩。百合麥門冬懷熟地。歲剉於白朮各四兩。爲丸。食前服三錢。漸効。○治小兒^金欬嗽聲不出者。用紫苑杏仁等分爲末。煉蜜丸。如芡實大。每服一九。北五味子三粒。泡湯化下。○治小兒^氏驚癇。用紫苑煎湯。調抱龍丸立効。○治產後^子下血。用紫苑末。水煎服。○治婦人^金小便卒不得出者。用紫苑爲末。三錢。白湯調服。卽通。又小便出血。服五錢立

止○治纏喉風閉不通欲死用紫苑葉洗淨納入喉中待取惡涎出立瘥更以馬牙硝五分用津唾嚥下卽除根

續補方治婦人手足麻痺不仁是七情六鬱滯經絡也用紫苑四錢紫蘇陳皮香附烏藥川芎各一錢白朮半夏當歸蘇耑各二錢桂枝紅花甘草各七分黑棗三個水煎服○治婦人癲疾歌唱無時踰牆走屋不避親疎是七情六鬱繫結所致乃瘀血凝痰迷于心包絡也用紫苑三錢柴胡半夏膽星蘇木桃仁各二錢白芥子白朮當歸川芎生地黃酸棗仁各一錢五分水煎服臨服時調辰砂末三分

麥蘖冬。味甘微苦。氣寒。質滑。無毒。人足陽明。兼手太陰。

陰經實陽明之正藥也。

李時珍先生曰。麥蘖曰麩。此草根似麥。而有鬚。其葉如非。凌冬不凋。故謂之麥蘖冬。從門。便于字也。可以服食。救饑。故又有禹餘糧之稱。又按別錄。葉如非。冬夏長生。生兩谷川谷及隄坡。肥土石間者多。野生出江寧新及仁和寬橋者。多種時。七九月十一月上黃。及耘灌。次年夏至前收。采前人嘗用野生者。細穰香美。宛如麥粒。功力更勝也。四季不枯。秋冬根葉轉茂。叢生如非。青似沙草。長尺餘。多縱理。四月間花如蓼。結實翠線如珠。根鬚最冗。如蠅。黃鬚連結。儼若琅玕。色白如凝玉。中心堅。最。多。脂。液。也。修治以熱湯潤軟。抽去中心用。如作丸。酒蒸爛。搗膏入藥內。

○麥門冬。清心潤肺之藥也。主心氣不足。驚悸怔忡。健忘。

恍惚。精神失守。或肺熱肺燥。咳聲連發。肺痿葉焦。短氣虛喘。火伏肺中。咯血咳血。或虛勞客熱。津液乾少。或脾

胃燥涸虛秘便難此皆心肺腎脾元虛火鬱之證也然而味甘氣平能益肺金味苦性寒能降心火體潤質補能養腎髓專治勞損虛熱之功居多如前古主心腹結氣傷中傷飽胃絡脉絕羸瘦短氣等疾則屬勞損明矣故孫真人方治六七月間暑熱方熾人病汗多氣乏筋弛骨怯甚則軟痿無力川生脉散以麥門冬配人參北五味子補其天元真氣復脉通心又與熟地黃枸杞子鼈甲阿膠黃耆白朮同爲潤經益血之劑但火盛氣虛之人服之相宜若久病虛寒泄瀉痘瘡虛寒泄瀉產後虛寒泄瀉胃滯濕痰泄瀉咸忌之

王紹隆先生曰麥門冬具稼穡甘稟春和令當入足陽

明爲陽明之體用藥。故本經所陳諸證皆屬陽明之上。
爲病若痿癭又屬陽明之下爲病經云陽明爲闔闔折。
則氣無所止息而痿疾起矣。是以治痿獨取諸陽明。陽
明爲五藏六府之本。五藏六府皆受氣于陽明。故爾。
盧子由先生曰。保心之神。定肺之氣。安肝之氣。補腎之
精。因脾轉屬者。無所不宜。若肺傷則咳。經絡斷絕。致血
液妄行。經水枯竭。變生煩熱。焦渴者。必須潤經益血之
品。其惟麥門冬乎。

○集方治心氣不足。下四驚悸怔忡。此方健忘恍惚。精神失守。用麥
門冬。人參。茯苓。遠志。棗仁。白朮。當歸。甘草。半夏。○治肺
燥作咳。用麥門冬。知母。川貝母。桔梗。懷生地。百合。款冬。

他桑白皮治肺癆。葉焦氣虛喘。麥門冬百

谷米仁。款冬花天門冬。紫苑懷熟地。桔梗海參。○治火

○伏肺中。咯血。咳血。衄血。吐血。衄血。用麥門冬知母。生地黃

各其兩煎膏。不時徐徐用白湯調服。不可蜜收。○治虛

勞客熱用麥門冬。一筋蒸濃汁。時時飲。○治心肺虛熱

虛勞客熱用麥門冬五兩。北五味。北沙參。知母。川貝母

各三兩。○治脾胃虛燥便難。用麥門冬當歸身。懷熟地

各四兩。麻仁。桃仁。杏仁。薏仁。各去外皮。各一兩。搗如泥

其為丸。每食前服五錢。○治消渴飲水不止。用新鮮麥

門冬八兩。去心。搗當歸身。連二兩。為細末。和入麥門

冬膏。以衆手和丸如梧子。十粒。食後。米湯下。三百丸。○

治陽明熱瘧。大引飲。用麥門冬三兩。知母二兩。石膏
一兩。竹葉五錢。熬汁飲之。如人虛。加人參五錢。痰多。加
川貝母。橘紅各五錢。○治下痢。口渴。引飲無度。用麥門
冬去心五兩。烏梅肉二十箇。以水二升。煎濃汁。徐徐呷
之。○治金石藥發。用麥門冬四兩。甘草一兩。菴豆三合。
三味共爲丸。蜜和。每服三錢。燈心湯下。○治骨蒸勞熱。
用麥門冬四兩。青蒿。鼈甲。牛膝。熟地。白芍藥。枸杞子。北
五味子。胡黃連。山藥。茯苓。山茱萸。各二兩。蜜九。梧子大。
每服三錢。

補中益氣湯加麥門冬方

治中氣不足或誤服尅伐四肢倦怠口乾發熱飲食無味或飲食失節勞倦身熱脉洪大無力或頭疼惡寒自汗或氣高而喘身熱而煩脉微細軟弱自汗體倦飲食或中氣虛弱而不能攝血或飲食不調而患瘧痢等證因脾胃久虛而不能愈者或元氣虛弱感冒風寒不勝發表用此代之或入房而後勞役感冒或勞役感冒而後入房者急加附子謂入之一身以脾胃為主脾胃氣實則肺得其所養肺氣既盛水自生焉木升則火降水火既濟而合天地交泰之會矣脾胃既虛四藏既無生氣故東垣先生者脾胃內外傷等論詳詳以固脾胃為本所製補中益氣湯又冠諸方之首觀其立人參黃耆白朮各一錢五分當歸一錢甘草八分柴胡七分陳皮六分升麻五分生薑三片黑棗三個水煎服魏正菴加麥門冬二錢更妙予故錄而附之

石龍芮。味苦。氣平。無毒。子根皮同。

別錄曰。石龍芮生太山川澤石邊。蘇氏曰。出四川益州。葉內芮短小。有缺。子綴綴。色黃。味辛。李氏曰。石龍芮有兩種。水中生者。葉光而子圓。陸地生者。葉毛而子鏡入藥用。水生者為佳。陸生者有毒。不可食。似水荳。名胡椒菜者。真也。處處有之。多生近水下濕地。高尺許。其根如薤。二月生苗。叢生。莖圓分枝。一枝三葉。葉青而光滑。有三尖。多細缺。四五月開細黃花。結實如大豆狀。又如初生桑椹。青紫色。結散則子甚細。如葶藶子。即石龍芮也。夏半老時采之。江淮人三四月采苗。名水荳。淹過晒乾。蒸黑。色為蔬。甚美。收采以三月采苗。六月采子。八月采皮用。

石龍芮。補陰精。祛風燥之藥也。原生水旁。性寒而潤。凡相火熾盛。陰躁精虛者。以此充入。諸滋補藥。服食甚良。故本草主風寒濕熱成痺。有潤養筋脉之功。主補腎益精。明目。有育嗣延齡之妙。古方多用之。其功與枸杞覆

益乎相等。而世人絕不知用。惜哉。

沈則施先生曰。石龍芮。古方稱爲補劑。而人不知用者。何也。此物原有兩種。水中生者。取用補劑甚佳。而陸生者。形狀與水生者無異。而葉稍有細毛。爲別。另名天灸。有大毒。誤食害人。取少葉揉爛。繫臂上。一宵卽起大泡。狀如火疔。焮赤。一物兩種。善惡懸隔如此。因其形狀相似。難辨。今人疑畏。故多不用也。

冬葵子味甘氣寒無毒氣味俱薄淡滑爲陽其苗葉根功用與子相同

別錄曰葵生少山今郊野園圃不拘肥瘠地都無四時可以子種根亦再發秋深布子覆養經冬者曰冬葵入藥最良其葉作紫茹甚甘美內經云脾之菜也又云葵爲百菜味尤甘滑故爲馬腹其子雖經年不泥微炒令澤炸入着濕地遍踏之則種暮生遠不過宿實如指頂皮薄而扁實內手輕虛如榆莢仁相必待露解收必待霜降則黃爛早則黑澁其莖莢生莖疎葉密傾向太陽雨不照其根其莖翠其花白花具五色間色單瓣千葉王神農書云本豐耐旱可防荒儉以作菹腊枯枿可以傍種根子又能療疾咸無遺棄誠菹茹之要品民生之資益也種類亦多有露葵兒葵黃葵錦葵蜀葵皆有功用入藥者只宜蜀葵今市肆一種充冬葵子者氣味濁惡且不禍質沉重形如楮核服之令人腸胃不和損脾胃也

○冬葵子滑腸利竅之藥也故古人主五癰利小便而別錄又通乳閉出痘頭消水氣滑胎催生此乃流氣脉通

腎衛得津液爲先鋒也。又按婦科良方云。治乳婦氣脉
壅塞乳汁不行。乳房脹痛。留蓄作癰者。用此藥炒香爲
末。熱酒調服三錢。立時消散。則其性之滑利善行經絡
可知矣。其苗葉作菜食甘美可口。能去腸胃積熱。若毒
痢若癰疹。若痧脹。若黃疸。若腸癰膿血留難。若服餌丹
石熱藥。並宜食之。但性寒善利。如裏虛胃寒人。并風疾
宿疾。天行病後。曾被大傷者。咸忌之。世人但知能發宿
疾。不知不許人。有久患害爲他日卒中之虞耳。

○集方治大小便不通。必死者。用冬葵子一升。水二升。煮
取半升。納雞子清二箇。頓服。渣再煮。効即止。○治乳
不通。用冬葵子二兩。炒香。配砂仁各等分。爲末。熱酒調

服三錢。○治癰疽無頭用冬葵子二百粒白湯吞之當

日即開也。○治水腫身重小便不利洒淅惡寒起即頭

眩用冬葵子茯苓各三兩爲末每服二錢白湯調下日

三服小便利則愈。○妊娠足月不產或臨產崎嶇難下

用冬葵子一合搗末水一升煮汁半升頓服即產。○治

血毒痢用冬葵子炒黃爲末每服二錢白湯調服。○治

癰疹痲脹用冬葵子二合煮汁溫服。○治黃疸心胸脹

滿用冬葵子炒黃爲末每白湯調服二錢。○治腸癰內

疽膿血脹悶不行用冬葵子二合爲末白湯調服。○治

腹食丹石毒熱等藥用冬葵子菉豆各一合爲末溫湯

調服。○治胎死腹中用冬葵子一合熱酒調服若口噤

本草綱目

卷四

諸藥

七

不開者。灌之立甦。○治胞衣不下。用冬葵子二合。牛膝

一兩。水二升。煎一升服。

蜀葵味甘氣寒而滑無毒陰中陽也。

蘇氏曰蜀葵生江南湖北園圃中。惟蜀產者更勝。葉似葵葉。又似絲瓜葉。有歧又過小。滿歧長莖高五六尺。花似木槿而大。有深紅淺紅紫黑白蜜合等色。又有單瓣千瓣之異。昔人謂其疎莖密葉翠萼艷花金粉檀心者。頗善狀之。惟紅白二色入藥。其實似葶薺而偏。內仁如馬兜鈴。輕虛易種。其皮可緝布作繩。又一種其花大如五銖錢。粉紅色。有紫縷。又名曰錦葵。入藥功用。與蜀葵更勝。五月人家供于庭前。俗云辟祟。

○蜀葵錦葵苗葉子功用與冬葵同等。茲不復贅。惟采根

用治腸胃生癰極驗。若方治內癰。臍腹冷痛。敗血腥穢。

不行者。用單瓣蜀葵根白芷各二兩。枯礬五錢。共為末。

酒煎溶化為丸。梧子大。每空心米湯下二錢。待膿盡而服調補藥。

酸漿草苗葉莖味苦氣寒無毒

別錄曰酸漿生荆楚川澤及人家田園中或故墟垣墻間高二三尺苗如天茄子三月開小白花旋結青殼熟則深紅殼中子大如櫻桃核熟時亦變深紅核中復有細子如茄子食之有青草氣也四月采莖葉五六月采子可食

○酸漿草苗葉治熱毒解煩渴利水道之藥也搗汁服散黃疸清濕熱其子研爛白湯調服催生立時分娩小兒食之能除熱疳骨蒸

漆姑草味甘辛氣寒無毒

別錄曰漆姑草生蜀郡山谷方不入用人無識者所在
平澤有之生陰濕地亦生石縫間葉似菊花子類枸杞
子根如遠志無心有核
三四月採苗葉陰乾用

○漆姑草治熱血疥癬風毒瘡疹之藥也觀其苦辛寒烈
苦能泄辛能散前人治一切熱毒惡瘡禿瘡蟲疹及大
人小兒丹毒齩齒并諸蟲毒水成瘡漆毒溪毒等瘡
宜療之搗汁和酒服即見効也

敗醬草。味苦。氣寒。無毒。乃手足陽明厥陰四經藥也。

陶隱居曰。敗醬一名苦菜。又名苦蕒。諸家本草混入。漿苦實能發。同條。種類則迥別矣。生江夏川谷。所在溪澗近水處。或高岡上陵。亦有。江東人采作菜。漂去苦味。有陳醬氣。故名。李時珍曰。春初嫩苗。以松葉葉而狹長。有鋸齒。綠色。而深青淺。入夏莖高一二尺。數十一節。節間生葉。各起小枝。四散如蕪。五月白花成簇。如芹花。蛇床子花狀。結小實。成簇。其根白紫色。形似柴胡。八月采。敗。曝乾用。

(○)敗醬解鬱熱。破宿血之藥也。甄氏方治癰腫結熱。毒風

癰痺。破多年宿血。能化膿為水。善催生。落胞衣。或產後血凝腹痛。及赤熱障眼。努肉凝結。并暴熱吐血失血。丹毒熱毒等疾。但苦寒之物。如久病胃虛脾弱。泄瀉不食之證。一切虛寒下脫之疾。咸忌之。

繆仲淳先生曰。仲景公治腸癰為病。其身甲錯。腹皮急。

按之濡如腫狀腹無積聚身無大熱此為腹內有癰膿不獨焦燥肺金之形藏并毀敗府合之大腸矣敗醬獨當其鋒可一鼓而愈也。

李時珍先生曰敗醬善排膿破血故仲景治腸癰及婦人科血疾古方皆用之極驗乃易得之物而後人不知用惜哉。

○集方力脉正字解三焦鬱熱用敗醬一把配黃芩甘草各三錢燈心百根煎服○治產後宿血內病郭氏准理用敗醬二兩沒藥乳香各三錢當歸川芎各一錢香附續斷俱酒洗各五錢共為末每早服二錢白湯調服○治腹癰有膿方古用敗醬二錢薏苡仁五錢附子八分水三升煎一升頓服大小

便一行卽愈。○治產後血氣流入腰腿小腹，痛不可轉側者。用敗醬三錢，當歸二錢，川芎、白芍、肉桂各一錢，水三升，煎一升，徐徐服。○治產後腹痛如錐刺，不可忍者，用敗醬八兩，水五升，煮取升半，每服二合，日三服。○治臨產催生。用敗醬二兩，酒水共三碗，煎一碗服。○治赤眼障痛，并努肉攀睛。用敗醬一握，荆芥、草決明、木賊、蔓各二錢，白蒺藜一錢五分，水煎服。○治吐血衄血，因積熱妄行者。用敗醬二兩，黑山梔三錢，懷熟地五錢，燈心草一錢，水煎，徐徐服。

欬冬花味甘辛。氣溫。無毒。陰中有陽。降也。入手太陰經。

蘇氏曰。欬冬花。出關中。及雍州。南溪水。華州。山谷。水澗。開多叢生。葉似葵葉而大。又如荷葉而斗直。大可容几。卜可容數合。冬月積雪中。開花紅色。一種去上一二寸。出萼如菊。色青紫。通直而肥。開黃色。花。花。在莖。一也。實氏曰。十一月採花陰乾。須取微見花者。如已開。則無氣。刀揀去。向裏裏花。並殼。所向裏實。如栗零殼及枝葉。傳辰云。予于仲冬之月。登北山。冰凌盈谷。積雪深。見欬冬。然華。秀。可。是也。

○欬冬花。溫肺潤肺。清肺欬肺。調肺補肺之藥也。故本草

主欬逆上氣。喘嗽喉痺。寒熱邪氣。諸證。以其辛溫而潤。散而能降。補而能收。為治嗽要藥。于肺無性。無分寒熱。虛實。皆可施用。又得生薑。前胡。白豆仁。可溫肺寒。得天麥門冬。知母。玄參。可潤肺燥。得黃芩。桑白皮。薄荷葉。可清肺熱。得人參。麥門冬。北五味子。可斂肺脫。得蘇葉。桔

梗陳皮杏仁可調肺逆得黃耆人參甘草可補肺虛得
葶藶麻黃桑白皮可泄肺實得百合茯苓甘草枇杷葉
可保肺急得前胡防風杏仁葱白可退肺中寒熱邪氣
得生熟地黃天麥門冬知母貝母可療肺中痰血咳嗽
爲調肺之總司治嗽之良劑也。

繆仲淳先生曰欬冬花其味辛甘溫而無毒陰中含陽
散也降也辛能散而能潤甘能緩而能和溫則通行不
滯善能降下欬逆上氣喘嗽喉痺寒熱邪氣消渴喘息
呼吸諸病一皆氣升火炎之勢也氣降則火自降氣降
則陽交于陰水火既濟既濟則火不上炎氣不逆升咳
不受邪得清肅之官道而諸證自退矣。

李士材先生曰。雪積冰堅。欬花偏豔。想見其純陽之氣。故其主用。皆辛溫開豁也。却不敢火。可以嗽方久任。
○集方治痰嗽帶血。用欬冬花百合各等分。焙燥。爲極細末。煉蜜丸。如龍眼大。每臥時嚼一丸。薄荷湯下。

久嗽。噙化丸。用欬冬花。菰甘草。百部。川貝母。桑白皮。天花粉。玄參。紫苑。各二兩。俱用蜜水拌炒。北五味。陳皮。桔梗。各一兩。龍膽。薄荷葉。二兩。俱微炒。共爲細末。真柿霜四兩。另研。麥門冬。天門冬。俱去心。各三兩。酒煮搗膏。和入前末子內。再加煉蜜丸。如彈子大。每日不拘早晚。不時噙化。隨津液嚥下。臨臥更佳。

海上方。治咽喉諸證。腫痛生瘡者。閉塞者。紅腫結核。脹

痛者閉塞不能言語者。結蛾水漿難食者。俱是風熱痰
氣爲患。以用欬冬花五錢。土牛膝三錢。射干二錢。水煎
服。先用米醋漱口。中汨漱。咯痰涎。後服。此藥卽消。

明子。味鹹苦。氣平。無毒。足厥陰肝經正藥也。又入膽腎

二經

李氏曰。决明子。能明目。故名。生龍門川澤。今處處有之。爲國藥所藉。夏初生苗。高三四尺。本小末大。根微紫色。葉似苜蓿。晝開夜合。兩兩相貼。七月開花。淡黃。五出結莢。如初生細豆。長二三寸。莢內結子。其色青碧。味苦。初十數粒。參差相連。狀如馬蹄。下大上銳。十月收采。一種莖葉根形酷似。但本小末尖。葉不夜合者。名爲苳芒。救荒本草。所謂山扁豆是也。花亦黃色。五出。結莢如小指。長一二寸。莢中子如黃葵子而扁。其色褐。味甘滑。二種苗葉花皆可食。茹及點茶食。如入藥用。惟用長蹄。决明子爲佳。外又有一種草决明。葉黃銳。赤華。結實如山茱萸。屬中謂之薺薺。其此二種實不類。

○决明子。祛風散熱。清肝明目之藥也。肝開竅于目。因而

清肝。故本草單主目疾。去赤障白膜。淚出青盲。搗爛水調。燭太陽穴。治頭風頭痛。又貼心胸。止吐血衄血。作枕

統治頭腦耳目一切風熱諸病。又敷蛇咬解蟒毒。其葉湯淪作蔬食。利五藏。解一切蘊熱甚良。但味鹹走血氣。寒而散。治目疾。因熱傷血分。致血液凝滯者。罔不相宜。倘屬氣分及風冷致目中諸證者。非所宜也。

王紹隆先生曰。決明子。稟陰精之體。具青陽之用。宜入肝腎。肝開竅于目。瞳子精。腎所司也。

○集方。治肝虛目昏。用決明子。沙蒺藜。甘菊花。俱酒拌炒。槐實。穀精草。女貞實。童便拌炒。各二兩。枸杞子。鹽水洗炒。生地黃。切片。薑水洗炒。各六兩。共爲末。煉蜜丸。梧子大。每早服三錢。○治暴赤風眼淚痛。用決明子。蔓荊子。甘菊花。生地黃。各二錢。荊芥。甘草。玄參。連翹。木通。各一

錢水煎食後服。○治積年失明。用決明子三升。磨爲末。每食後粥湯調三錢服。久有效。○治癰瘡延蔓。用決明子一兩爲末。入水銀二錢。研不見星。擦破上藥。立瘥。○治發背諸癰毒初起。用決明子。生用一升。搗爛。生甘草一兩水三升。煎一升。分二服。○茱萸。生道旁。葉如決明而小。性平無毒。炙作飲極香。能除痰止渴。

治一切頭風頭痛用決明子蔓荊子柴胡防風天麻黃
苓當歸川芎各一錢五分肥人頭痛是血虛痰火加羌活熟地黃白芍
朮茯苓陳皮瘦人頭痛是血虛痰火加羌活熟地黃白芍
威靈惡心嘔吐頭痛是頭中風寒加羌活熟地黃白芍
痛偏左者屬風與血虛倍防風當歸加生熟地黃頭痛
偏右者屬痰與氣虛倍天麻決明子加白朮黃耆頭旋
眼黑惡心兀兀欲吐頭痛者是痰厥頭痛倍天麻蔓荊
子加半夏膽星甘菊花白附子偏正頭痛者是風邪上
攻倍防風蔓荊子加薄荷荊芥白芷羌活日重夜輕兒
寒涼頭痛稍止者是熱厥頭痛倍柴胡黃芩加桂枝白芷
膏大黃黑山梔頭項強急者是雷頭風痛連目赤痛發熱惡寒狀
頭痛多起核塊者是雷頭風痛連目赤痛發熱惡寒狀
如傷寒加升麻薄荷羌活細辛○治耳鳴鼻塞頭風頭
痛并齒痛目中出淚用決明子乳香沒藥川芎雄黃白
芷玄明粉各二錢共為細末吹鼻孔中即止

瞿麥。味苦辛。氣寒。無毒。沉而下降之藥。入手少陰。太陽三經。

李氏曰。瞿麥。卽洛陽花。專所在有之。莖細有節。高一二尺。葉似石竹。又似地膚。稍顯開花。田野生者。花大如錢。紅紫色。人家栽者。花稍小而嬌媚。有紅紫粉藍斑爛數色。結實如蘇麥。內子紫黑而扁。根紫黑色。結實與麥同形。故名。秋後收采。陰乾用。雷氏曰。只用莖。殼不用莖葉。若一時同使。令人氣噎及小便不集也。

○瞿麥。破血下氣。通利下竅。而行小便之藥也。寒能散熱。苦能利便。辛能破血。故本草主關格諸癰結。小便不通。決癰腫。破胎。娠下閉。血乃急方通劑也。但性味苦辛而寒。氣猛利。善下逐。凡腎氣虛而小腸無大熱者。忌之。胎前產後一切虛人。患小便不利者。法並禁用。如水腫臃脹。脾虛胃弱者。亦不得輕施。

李東垣先生國醫聖藥。利小便為君主之用。故入正散專之。若心經有熱。而小腸氣虛。忌服。恐心熱未除。而小腸作病矣。

李時珍先生曰。古方治虛熱。有石竹花湯。取其破血利竅也。

○集方治小便不利。有水氣者。用瞿麥二兩。天花粉二兩。雞子一箇。茯苓山茱萸各二兩。共為末。煉蜜丸。梧子大。每服百餘丸。日三服。○治癰腫疔瘡。瞿麥燒灰。菜油調敷。○治子死腹中。或產經數日不下。以瞿麥煎汁飲之。立下。○治下焦結熱。小便淋閉。或有血出。或併大便出血。用瞿麥穗。黃芩炙甘草七錢。黑山桅五錢。共為末。每

服四錢白湯調服。○治目赤腫痛浸淫成瘡用瞿麥搗汁點大眥內。

淡竹葉味甘氣寒無毒入手太陽經。根名碎骨子。

李氏曰淡竹葉所在田野俱有春生苗高數寸莖小葉綠如竹葉如竹米落地所生但柔嫩為異耳八九月作穗細長一窠數十穗上結子如麥門冬根而但堅硬土人采其根黃為汁造糖酒甚芳潤也名竹葉象形碎骨言其下胎也。

○淡竹葉清心火利小便通淋閉之藥也。淡味味赤五藏無歸五藏但入太陽利小便為專用有走無守證因氣壯火鬱小

水不利。用無不宜。如陰虛清氣不化者。又不可用。根性極冷。善能墮胎。催生。妊婦勿輕試也。

○集方治小便不利。淋閉不通。因氣壯火勝者。用淡竹葉一兩。甘草一錢。水通滑石各二錢。水煎服。

○治小兒胎熱。母孕時多食炙煇之物。生下面赤眼閉。口中氣熱。焦啼燥熱。用淡竹葉。甘草。黑豆各三錢。燈心廿根。水一碗。濃煎三四分。頻頻少進。令乳母亦服。○治小兒胎寒。母孕時受寒。兒生下而面色青白。四肢厥冷。大便秘黑。口冷腹痛。身起寒慄。淡竹葉五分。燒灰。白朮。桂心。細辛。黃耆。甘草各一錢。俱研細末。每服一分。以乳汁調下。

王不留行。味苦。氣平。無毒。陽中陰也。入足厥陰。又陽明衝
任之藥也。

蘇氏曰。王不留行。生江浙河東諸處。苗葉俱青。高五六尺。葉勝莖生。似松葉。四月開花。黃紫色。或紅白色。如鈴鐸狀。質殼若酸漿子。殼有五稜。殼內包一實。大如豆。內細子。大如黍粟。形圓色黑。根黃如薤。三月收苗。五月摘子。根苗花子通用。

○王不留行。行血止血之藥也。古方治金瘡出血不止。解心熱。鼻衄橫流。又通乳汁。散乳癰。催生達產。行留血。住淋血。兩有奇驗。或人言性走而不守。雖有王命。不能留其行也。古云。穿山甲。王不留。婦人服此乳常流。乃行血之力耳。如失血。癰崩漏病。及孕婦。並須忌之。

盧不遠先生曰。命名之義亦奇。吾身有王。所以主吾身。

之氣血及主氣血之流行者。氣血之留。王不留則留者行矣。氣血之行。王不行則行者留矣。顧血出不止。與難產無乳者。兩可用。此其義自見。

○集方治血閉不行。經脉淋瀝不行不止。用王不留行一兩。當歸稍紅花。玄胡索。牡丹皮。生地黃。川芎。烏藥。各三錢。共爲末。每早服三錢。○治血淋不止。臥久諸藥不効。用王不留行一兩。當歸身。川續斷。白芍藥。丹參。各二錢。分作二劑。水煎服。○治金瘡出血不止。或被刀斧傷損。亡血。用王不留行一兩。川椒三錢。甘草。炮薑。白芍藥。各三錢。俱炒黃爲末。每服三錢。白湯調下。○治鼻衄不止。用王不留行五錢。濃煎服。立効。○治婦人乳少。因氣鬱。

者用王不留行五錢穿山甲瞿麥穗麥門冬各三錢濃煎汁徐徐飲再食猪蹄羹又以木梳梳乳一日三次○治乳癰初起用王不留行一兩蒲公英瓜蒌仁各五錢當歸稍三錢酒煎服○治難產用王不留行五錢當歸川芎生地黃白芍藥各三錢立產○治疔腫初起用王不留行子蟾酥各等分共爲末丸黍米大每服三丸酒下汗出卽愈

三白草味甘辛氣寒有小毒

蘇氏曰三白草出荆襄南北吳越間今所在亦有凡田澤池畔間尤多三月生苗高數尺葉如薯蕷葉對生小暑後莖端發葉純白如粉五月葉旁遂開花成穗如蓼花狀色白微香結子細小葉根先青延至葉尖則盡青矣

根長而白，虛軟有節，根間白，鬚宛如萐莆根。
根汁搜麥麩，還醱酒，色氣味甘，香殊勝也。

三白草，利水除濕，化痰逐癰之藥也。此藥性味苦寒，善降。故唐本草稱治水腫脚氣可知矣。陳氏方又言搗汁服，可吐痰癰，散胸中熱涎，則辛寒又善湧也。總療濕熱痰三證在下者降而抑之，故水腫脚氣除在上者湧而散之，故痰癰胸涎退。此乃流利消蕩之劑，寒而有毒，如脾虛久病，胃寒少食者，宜審用之。

○集方治濕熱侵四肢水腫，用三白草連根莖葉一把，大腹皮一兩，生薑皮五錢，白茯苓二兩，水煎服。○治痰癰久不愈，用三白草連葉莖根一總搗爛，絞汁，熱湯頓溫飲一二碗，胸中痰涎盡出也。

葶藶子。味苦辛。氣寒。有毒。氣味俱厚。沉也。陽中陰也。爲手

太陰經正藥。亦入手陽明足太陽經。

別錄曰。葶藶子出澤城平澤田野間。汴京陝西河北州
郡亦有之。近以彭城曹州者爲勝。他處者不堪用也。春
生苗。葉高六七寸。似薺根而色白。枝葉俱青。三月開花
微黃色。結角列子。色深黃。類紫。細小如黍粒。味苦入頂
微帶甘。者名狗薺。卽甜葶藶也。月令孟夏靡草死。靡草
卽葶藶狗薺之屬也。一種單莖向上。葉端出角。其實肥
大而短。一種葉近根下作奇生。如芥
葉。其角細長。此皆異種。不可不辨。

○葶藶子泄壅氣下結痰消腫脹之藥也。蓋肺主皮毛。膀

胱主出納津液。肺氣壅閉則津液不行。膀胱病焉。譬之

上竅閉則下竅不通。下竅不通則水氣泛溢爲喘滿。爲

腫脹。爲痰飲積聚。種種之病生矣。按十劑云。洩可去閉。

葶藶大黃之屬。此二味皆大苦寒而利。一洩氣閉。一洩

血閉若葶藶之苦寒氣味俱厚不減大黃又性烈于諸藥以洩陽分肺中之閉亦能洩大便但其性急速善逐以行痰決水爲用走而不守誠急方之洩劑也凡脾胃虛弱及眞陰不足之人不可混用如腫滿由于脾虛不能制水水氣泛溢者如小便不通由于膀胱虛無氣以化者如痰嗽由于中氣虛生陽不布而或成喘脹者法皆忌用悞用則輕病轉重重病必危矣慎之慎之

錢仲陽先生曰近時瘡疹流行閉悶不發發熱喘促勢甚危迫用苦葶藶二錢配麻黃延胡荽荆芥薄荷甘草桔梗熱甚加石膏黃連各二錢一劑瘡疹卽發喘嗽旋止此神方也

沈則施先生曰。方書言諸氣臃脹滿急者。非此不除。宜審要在能食而六脉不强急。和平而尚有神者。投之。如陰竭陽敗。氣結不能自主者。去生不遠矣。何用醫爲。故淮平子云。大戟行水。葶藶洩脹。用之失時。爲害莫量。斯言可玩。

○集方治陽水暴腫。

外臺秘要

面赤煩渴。喘急。小便短澀。用甜葶藶。

一兩炒研。眞漢防已二兩。共爲極細末。以綠頭鴨血并

腦合和搗萬杵。丸黍米大。甚者空腹白湯下九十九輕

者五六十九。日三夜一。五日止。其效如神。○治痰飲咳

嗽。用葶藶子一兩。川貝母一兩。薑製半夏一兩。甘草五

錢。牙皂二錢。共爲末。煉蜜和爲丸。彈子大。早晚夜各以

一丸含之。徐徐嚥下。甚者。不過五丸。○治欬嗽上氣不
得臥。或偏體氣腫。或單面腫。肢足腫。並主之。以葶藶一
升。微火炒。研細。以絹袋盛。浸清酒三升。冬七夏三日。徐
徐飲。日三次。夜一次。量其氣力。取微利爲度。如患急者。
不待日滿。即可絞服。如不使用酒。水煎服亦可。○治肺
壅喘急。不得臥。用葶藶五錢。炒黃爲末。每用大棗二十
枚。水三大碗。煎取一碗。調入葶藶末。再煎取一碗。徐徐
服。亦主支飲不得息。○治頭風頭疼。用葶藶子一兩。煎
湯沐頭。三四度。卽愈。

車前子。味苦微甘。氣寒無毒。爲肝腎膀胱三經之要藥也。

別錄曰。車前出真定平澤丘陵坡道中。今江湖淮甸近汴北地處處有之。好生道旁及牛馬足跡中。春初生苗。網葉布地如匙面。累年者長尺許。中抽數莖。作穗如鼠尾。花極細密。色青微赤。實如葶藶。色正黑。五六月采苗。七八月采實。圃人或種之。蜀中尤尚。土人取根日乾。作紫苑。市人不可不辨。剪苗可作茹。大酒鵬種。

○車前子。利水道。徹溲便。通精氣之藥也。主小便淋瀝。癰

閉不通。赤白帶濁。或陰莖腫脹。澀痛。精道熱結不通。去

穢濁而澄源。利小便而不泄精氣。與茯苓同功者也。又

明目。疾療痼痛。行肝疎腎。暢鬱和陰。同補腎藥用。令強

陰有子。同和肝藥用。治目赤目昏。同清熱藥用。止痢疾

火鬱。同舒筋藥用。能利濕行氣。健運足膝。有速應之神

驗也。但性寒。善走下竅。若內傷勞倦。陽氣下陷之病。皆

不當用腎氣虛寒者尤宜忌之。

繆仲淳先生曰前陰屬肝木。疎泄之竅也。氣化則溺自出。情動則精乃行。氣閉火鬱。溺自停矣。芡苡之子寒降下行。若車行而前。孰不開讓。何溺之不自出乎。疎泄之義明矣。設情動過節。膀胱虛氣艱于化而津不行。溺不出者。單用車前。疎泄閉愈甚矣。必加參苓甘麥養氣節欲。則津自行。溺乃出也。

○集方治小便^淋血^淋作痛。用車前子晒乾。甘草減半。共爲末。每服二錢。車前葉煎湯下。○治小便熱秘不通。用車前子一兩。川黃柏五錢。白芍藥二錢。甘草一錢。水煎徐服。○治石淋^淋作痛。用車前子一升。水五碗煎湯二碗。

用白朮三十箇。去殼衣淨。搗汁和入。徐徐飲。○治老人
淋瀝不通。身發熱。用車前子一兩。川牛膝八錢。生甘草
三錢。水五碗。煎二碗。徐徐飲。○治孕婦熱淋。用車前子
五合。黃芩八錢。水煎。徐徐飲。○男婦久不生育。用車前
子當歸各二兩。川芎一兩。鹿膠。龜膠各二兩。作丸。侵晨
各服二錢。白湯下。○治暴赤時眼。用車前子一兩。柴胡
防風。龍膽。決明子。蔓荊子。荆芥。羌活各二錢。水煎。食後
服。○治勞欲過度。肝腎空虛。眼目昏蒙。用車前子一兩。
甘菊花。熟地黃。枸杞子。密蒙花。淮山藥。決明子。羊肝爲
丸。每早晚各服三錢。白湯下。○治久患內障。用車前子。
熟地黃。麥門冬。等分爲丸。每早晚各服三錢。○治風熱

目暗澁痛用車前子一兩川黃連五錢共爲末每食後服一錢日二服○治熱痢澁痛小水不通用車前子白芍藥各一兩川黃連五錢黃芩黑山梔澤瀉滑石各八錢分作二帖水煎食前服○治四肢痿痺作痛筋脉不舒用車前子二兩木瓜川牛膝虎骨車前子葳靈仙紅花各一兩浸酒飲○治產難并橫逆不出用車前子川牛膝各二兩當歸川芎各五錢俱酒炒爲末每服三錢酒調下如不飲酒白湯調下○治瘡疹內閉入腹身腫舌強用車前子爲末白湯調服一錢日三次

○車前葉味甘氣寒無毒

凡使須一窠九葉者良亦可作蔬食

金瘡出血不止小便不通尿血血淋熱痢膿血乳蛾
喉閉等證甘寒能散能利能清之藥也。

○集方治金瘡出血不止用車前葉搗爛敷之。○治小便
不通用車前葉一觔水三升煎取一升服。○治小便尿
血血淋用車前葉搗汁五合空心服。○治熱毒膿血痢
疾用車前葉搗汁五合入蜜一合溫服。○治乳蛾喉痺
用車前葉鳳尾草各等分搗爛入霜梅肉五箇生酒各
少許再搗絞汁以鵝羽刷患處隨手吐痰即消。○治目
赤作痛用車前葉自然汁調朴硝末臥時塗眼胞上
次早洗去。

治心經蘊熱藏府閉結小便赤澀癰閉不通及熱淋血
淋諸證因本氣壯實有火滯者宜服此如酒後恣慾而
得者則小便將出而痛既出而癢亦以此藥主之用車
前子瞿麥篇蓄木通滑石生梔子大黃各一錢五分生
甘草二錢川牛膝三錢加燈心三十根水煎食前服○
一方治諸淋不分 虛實以車前子四兩川牛膝三
兩懷熟地山茱萸小葉茯苓各二兩五錢牡丹皮二兩
澤瀉二兩俱用鹽水拌炒磨爲末煉蜜丸梧子大每早
服五錢燈心湯送下

總腸味甘酸氣平無毒純陰之草也入腎肝胃大小腸五經。

李時珍曰。鰾魚也。其腸黑。此草柔草。斷之有墨汁出。故名。生江南下濕地。所在坑渠間多有。苗似旋覆。此有二種。一種葉似柳而光澤。莖似馬齒莧。高一二尺。開花細白。其實若小蓮房。一種莖梗枯瘦。頗似蓮花而黃色。實亦作房而圓。南人謂連翹二種。折其苗皆有墨汁出。須臾而黑。俗謂之旱蓮草。八月采。陰乾用。

旱蓮草涼血解毒固齒烏鬚髮之藥也。蓋鬚髮易白者。

血虛有熱也。齒牙不固者。腎虛有熱也。此藥純陰涼血。則鬚髮變白為黑。而齒亦因之而固矣。故古今黑汁之草。當以此為勝。若前人之治血痢。止針灸瘡中發洪血。解一切瘡疹痛痒。除頭風頭痛。去目疾翳障。治腸風下血。定風熱牙疼之數者。何非涼血止血之功也。但陰寒。

之性。沉降之質。雖善治血。不益脾胃。一見脾胃虛弱。飲食少進。及腸胃澹薄不實者。雖共溫辛補養藥。亦勿輕與服。

○集方治鬚髮早白。七月中。取旱蓮草連根一觔。酒洗淨。青鹽四兩。淹三日。同汁入鍋中。炒焦如炭。存性。研末。白用擦牙。連津漱之。○治飲食甘肥。炙燂過度。成血痢病。用旱蓮草一握。切碎。川黃蓮二錢。白芍藥五錢。水煎服。○治針灸瘡中出血不止。用旱蓮草搗爛敷之。立止。○治一切疔腫癰疽惡瘡。用旱蓮草一觔。連根洗淨。搗爛。取汁以熱酒一碗。和飲。渣敷患處。不過三服。乃安。○治頭風頭痛不拘偏正。用旱蓮草搗汁滴鼻中。或飲汁亦

可。○治一切眼疾翳膜遮障。并頭風頭痛。用鮮旱蓮草
一把。澤蘭葉一把。水洗淨。畧乾。俱搗汁。入淨磁瓶內。密
封埋土中一尺許。五十日取出。每臥時以骨簪挑少許
點兩眦。摩頂上四十九遍。久久自效。○治腸風藏毒下
血。用旱蓮草水洗淨。用薑汁酒浸一宿。晒乾為末。每早
服二錢。米湯下。○治小便下血。用旱蓮草車前草各等
分。搗汁。空心服三盞。自愈。○治風熱牙疼。用旱蓮草數
莖。入鹽一匙。于掌心揉擦。即止。或云煎湯嗽口。亦可。

○治烏鬚神方。取鱧腸草採鮮者五十觔。搗汁浸真女貞實馬料黑豆各一斗。浸七日。濾出晒一日。再浸再晒。以鱧腸草汁盡。上甑蒸一日。再晒乾。少酒陳酒微濕。再蒸。再晒計九次。微炒燥。磨爲末。拌生薑自然汁八兩。好川椒去閉口及蒂者爲末五兩。和勻煉蜜丸。梧桐子大。每早晚用五錢食後酒送下。

治一切齒病。用鱧腸草炒焦黑成炭研末。見證配後藥擦之。○如齒痛牽引頭痛。配石膏細辛芽茶末。如齒痛。如齒痛。配乾薑。藥水末。如齒痛。有蟲。配乾薑細辛。花椒末。如齒痛。兼牙齦出血。條者。配人參末。或千年古石炭末。配人參可。配石炭末。擦齒不可。用白湯漱口。吐之。如齒痛成牙疳。配硼砂。黃連。枯礬末。如齒痛動搖不堅。無力嚼食物者。配補骨脂。沒石子。青鹽末。已上所配諸藥俱爲細末。和鱧腸草末擦之。

連翹味苦氣平無毒氣味俱薄輕清而浮升也陽也入手
足少陽手足陽明手少陰經。

別錄曰連翹出太山山谷今汴京及河中江寧潤淄澤
充四岳利諸州皆有之蜀蜀中者為勝蘇氏口有大翹
小翹兩種大翹生下濕地或山岡上葉青翠如榆葉水
蘇莖莖高三四尺而色稍赤獨莖梢開花黃色可愛三
秋着子似蓮實之房亦若椿實之未開者翹出泉草殼
小堅外完無附莖剖之中解氣甚芳香實纔乾振之即
落若不莖根如青蒿之白硬也小翹生岡原之上莖
葉花實皆似大翹但細小耳古人莖葉花實並用今惟
用實未見用莖葉也今南方一種莖短葉小實惟黃黑
子如粟紐乃早蓮也又一種如茜莖葉柔軟外有附莖
抱之且無解脉亦不芳香乾之
不落久着莖上明翹別也

○連翹散風清熱解瘡毒之藥也。沈氏云主癰癰結核諸瘡癰腫

熱毒熾盛未潰可散已潰解毒眼證腫赤澀痛耳證昏

寒暴聾頭證頭風眩痛喉證脹閉不通或腮腫齒疼或

舌破生瘡。武痘瘡疹。隱現出沒。以上諸證。皆心肝膽腎四經之病。此藥清標芳馥。善解風火痰氣鬱結。所以因其輕揚之性。上行最專。苦寒之氣。下行更力。所以耳目口鼻咽喉齒舌之間。頸腋背脊。胸腹肢脇足膝之處。靡不奏功。但涼散之性。清而無補。如癰疽已潰者。火熱風痰。由于虛者。脾胃薄弱。易于作瀉者。俱不可投。

李東垣先生曰。連翹于十二經瘡藥中。不可無此。謂表裏上下氣血之分。咸需之耳。

盧不遠先生曰。連翹治鼠瘻癰腫瘡核。皆從結氣所生。取其象形。易落而能自散也。

沈則施先生曰。連翹從荊芥而治風熱。從芩連而治火

熱從大黃而治燥熱從蒼柏而治濕熱從歸地而治
熱從貝半而治痰熱從山梔而治鬱熱從甘麥而治煩
熱從金銀花紫花地丁而治疔腫瘡毒之熱

○集方治癰癰結核及馬刀諸瘡用連翹半夏川貝母金
銀花玄參甘草薄荷夏枯草白芷白芷各等分爲末食
後白湯調服二錢○治乳癰乳核用連翹雄鼠黃蒲公英
英川貝母各二錢水煎服○治熱毒初起用連翹甘草
各一兩酒水各半煎服可散○治目病腫赤流痛用連
翹柴胡荆芥白芷羌活防風草決明蟬蛻各一錢甘草
六分水煎服○治耳病忽然昏閉不聞用連翹一兩蒼
耳子二兩水煎濃汁徐徐服○治頭風眩痛用連翹天

麻防風橘紅半夏各三錢白朮一錢水煎服。○治咽喉
閉脹不通用連翹膽星薑製半夏陳皮桔梗各三錢荆
芥三兩水煎數碗徐徐服。○治牙腮腫脹作痛用連翹
白芍藥半夏各二錢桔梗甘草各五分水煎服。○治一
切風火寒蟲四種牙痛用連翹五錢黃連一錢防風荆
芥白芷蔓荊子各二錢吳茱萸川椒細辛各五分水煎
服。○治舌破生瘡用連翹五錢黃柏三錢甘草二錢水
煎含嗽即愈。○治痘瘡欲起未起用連翹桔梗甘草各
一錢防風荆芥蟬蛻羌活薄荷各二錢水煎服。○治赤
遊癰毒用連翹一味煎湯飲之。

連翹根味甘微苦氣寒有小毒治傷寒瘰癧在裏欲發
黃者有瘰黃連翹根赤小者湯此張仲景方也。

藍澱味苦辛氣寒無毒

其滓澄澱在下故
名或作淀俗作澱

李氏曰商人以地窖中貯水一石以藍葉數十觔浸一宿入石灰若干攪之千轉澄去水則青黑色亦可乾收川藥青碧其穢浮油掠出陰乾謂之澱花即土青也

○藍澱解熱毒散腫結殺蟲積之藥也乃藍與石灰作成

其氣味與藍稍有不同而拔毒散腫殺蟲之力似勝于藍也古方有謂能止血者乃金瘡跌撲傷損皮肉出血也一敷即止時人誤認止血投入吐衄血證服食藥中內有石灰雖涼而燥何堪入口誤食反致燥毒入咽轉加騷動血藏蒙害者多審之慎之

陳廷采先生曰按澱花治小兒疳蝕消瘦發熱屢有奇功歌曰小兒雜病變成疳不問強羸女與男腹內時時

如疳痢青黃赤白並服。干眼溢面黃鼻孔赤穀道開張
不忍看。煩熱毛焦。時日渴。皮膚枯槁。四肢癱。唇焦。嘔逆
不乳。哺壯熱。憎寒。臥不安。此方只是青黛散。取效猶難。
服聖丹。

○集方。治時行天泡瘡。用靛青和甘草末。猪膽汁調敷。○
治小兒腹內疳蟲。瘰癧。用靛青一兩。配入白牽牛子末
三錢。和入靛青內。九粟米大。每服五分。白湯下。○治口
鼻急疳。用鹽靛敷之。令遍。日十次。夜四次。○治誤吞水
蛭并一切毒蟲。用靛青調水飲。即瀉出。

藍味苦微甘。氣寒無毒。至陰之藥。入心肝肺脾四經。

別錄曰。藍生河內平澤。其莖葉可以染青。以尖葉者爲勝。今處處有之。人家園圃作畦種莖。至春末生苗。高二三尺。葉似水蓼。花紅白色。實亦若蓼子而黑色。五六月采實。但可染碧。不堪作澱。此名蓼藍。卽醫方所用者也。李氏綱目曰。藍凡五種。各有主治。惟藍實專取蓼藍者。蓼藍葉如蓼。五六月開花成穗。其形細小。其色淺紅。其子亦如蓼。歲可三刈。故先王禁之。苾藍葉如白蔘。馬藍紫如苦蕒。卽郭氏所謂大葉冬藍。俗所謂板藍者。二藍花子並如蓼藍。吳藍長莖花白。木藍長莖如決明。高者三四尺。分枝布葉。葉如槐。七月開花。淡紅色。結角長寸許。纍纍如小豆。其子亦如馬蹄。決明子而後小。迥與諸藍不同。而作澱則一也。別有甘藍可食。見本條下。

○藍通治解熱毒。化蟲癰。蘇敗血之藥也。雖有五種之別。而味性不遠。總能解毒除熱。若藍實者。解諸毒。殺蟲蛟。通關節。消毒腫。治經絡中結氣。若蓼藍葉汁者。殺百藥毒。如狼毒。射罔。蜂螫。斑蝥。荒青。樗雞。蠅。蜈蚣。蜘蛛。朱

砂、砒石諸般毒物飲之立解。若馬藍者，治婦人收血留
連，不能分斷經絡，僅此一端之效。若吳藍者，主治甚廣。
如時行瘟疫、頭痛、寒熱、時行赤眼、腫痛、畏明、時行丹毒、
遊走皮膚、時行瘡疹、紫赤悶脹、時行暴熱、吐血、鼻洪、時
行災癘、小兒壯熱、驚痰等疾。如中藥箭毒、中金石毒、中
百草毒、中狼毒、中射罔毒、中蛇螫諸毒，煎汁卽飲立
効。若甘藍者，甘滑可食，利五臟，調六府，通閉結，明耳目。
可作蔬食。諸藍性冷，虛寒人及久泄者勿用。諸藍功效
方書久未分列。朱按蜀刻舊本特表而出之，以俟後之
君子再加詳正可也。

○集方治毒箭傷人，用藍實或藍葉搗汁飲之，渣敷患上。

○治大人小兒中蠱毒。忽下血欲死。搗蓼藍汁飲之。
治飛絲赤目熱痛。用吳藍葉八兩。車前葉二兩。煮取
一兩水煎服。○治天泡熱瘡。用吳藍葉搗敷之。○解一
切諸藥毒。并毒禽獸毒蟲螫諸毒。俱用蓼藍葉汁飲之。
○治瘡疹不出。快用吳藍根一兩。甘草一錢。爲末。每服
五分。或一錢。取雄雞冠血二三滴。同溫酒調下。○治齒
齰腫痛。用吳藍燒灰敷之。日五度。○治唇口生瘡。積年
不瘥。以蓼藍葉一觔。搗汁洗之。三度瘥。○治一切毒蛇
毒蟲所傷。并一切毒藥毒食。俱用蓼藍葉搗汁飲之。冬
月用湯頓服。

青黛味鹹氣寒無毒

李氏口黛眉色古人婦人眉滅以此描之故謂之黛此物從波斯國來色紫碧而輕淨者佳今以太原并廣陵南康等處藍靛花浮萍用之與青黛同功然究其波斯國青黛亦是藍靛花既不可得則中國靛花亦可用貨者常以乾靛花充之然有石灰入服食藥中須以水飛淨灰脚晒乾用○世人以其色青為入肝清解之藥膠甚矣真青黛出波斯國既不可得不知用藍實或藍葉搗自然升無間雜者良

○青黛清藏府鬱火化隔間熱痰為大人之聖劑定驚癇殺蟲氣消癖積乃童稚之靈丹其味鹹寒稟水土之氣以成主一切熱毒瘡癰并蛇虺蟲螫毒物及鼠犬所傷敷貼立奏効也既稟水土陰寒之氣以成解毒除熱固其所長古方多有利用之如陰虛內熱火氣因空上炎發為熱病或為吐衄咯血證用之非宜司醫者當詳審

之。

朱氏方

○集方治五藏鬱火外寒內熱口渴便閉用青黛黑山梔

炙甘草白芍藥川黃連防風各等分水煎服○治胸膈

有頑痰鬱熱用青黛貝母知母天花粉甘草各等分水

煎服○治小兒驚癇用青黛三五分量大小白湯調服

○治諸毒蟲用青黛一兩雄黃蕪夷各五錢為極細末

蜜水調服○治小兒癖積肚大青筋用青黛一兩研極

細以雞肝為丸每早晚各服一九白湯化下○治小兒

耳疳出水用青黛黃柏各等分共為末乾糝○治風弦

爛眼用青黛黃連煎湯日洗○治產後發狂用青黛三

錢為末煎四物湯調灌○治瘰癧未破用旋花共馬齒莧搗爛日塗數次取效

蓼。氣寒。無毒。陰中微陽。

陸氏曰。蓼生雷澤。川澤雖生。各處多有。在水旁。而葉局尺餘。葉大色淡綠。莖節間如雞腿。有紅色。蓼類甚多有青。香水。為紫赤木。蓼七種。紫赤二蓼。葉小狹而厚。青香二蓼。葉亦相似。而俱薄。馬水二蓼。葉俱闊大。上有黑點。木蓼。又名天蓼。莖生。葉似柘葉。六蓼花皆紅白。子皆大如胡麻。赤黑而尖扁。惟木蓼花黃白。子皮青滑。諸蓼皆冬死。惟香蓼宿根重生。其苗可為生菜。李氏曰。古人種蓼為蔬。取子入藥。故禮記烹雞豚魚醢。皆實蓼于腹中。而和羹膾亦須加蓼也。後世飲食不用。人亦不復栽蒔。惟造酒麴者。用其汁。凡今但以平澤所生。香蓼。青蓼。紫蓼。為良。

○蓼苗葉生用。搗汁和酒飲。能入腰脚。治熱壅氣滯諸疾。

日乾釀酒。能行周身。主風熱風冷。頭風目障諸疾。但性

冷。善攻善行。不可多食。恐傷胃氣。病寒熱少氣。損髓之

證忌之。

蓼實散鬱火除目障下水氣消癰瘍之藥也。凡濕熱痰疾有干血分者服之尤良。但性寒伐胃中病卽止不可多食。

○集方治胃脘冷不能飲食耳目不聰明四肢有浮氣冬臥足冷八月取蓼苗葉日乾計五十觔水六石煮取一石去滓拌糯飯如造酒法待熟日飲之半月後目明氣壯也。○治血氣攻心痛不可忍用蓼根洗剉浸酒飲。○治惡犬咬傷用蓼葉搗爛敷之。○治霍亂轉筋因暑熱濕熱者用蓼葉一觔水三升煮取一升入香豉一合更煮半升分三服。○治目障不明以蓼子炒黃食後服三錢白湯過。○治水氣浮腫用蓼子生搗汁和白湯飲。○

治瘰癧用蓼子炒黃每食後吞二錢酒過

外有馬蓼水蓼二種馬蓼又名大蓼生下濕地高四五尺莖斑葉大中有黑跡如墨點記其最大者名水蓼莖也水蓼生淺水澤旁葉長五六寸比水薺葉稍狹比家蓼葉稍大莖赤色今造酒家以水浸葉取汁和麵作麴亦取其辛香耳諸蓼苗葉子其功彷彿亦可通用

水英

蘇氏曰唐天寶左言此草生永陽池陂及江湖河海邊土人呼爲牛薺草河北河內呼爲水節又爲水棘劍南遠寧等郡呼爲龍移草淮南諸郡名海苔嶺南名海精又名魚津草云莖葉肥大

○按蘇氏言蜀人采其花合面藥凡丈夫婦人無故兩脚

腫滿連膝脛中痛屈伸急强者名骨風其疾不宜鍼灸及服藥每日取此草五觔以水一石煮至三斗入缸內熱通和將兩脚浸并淋膝上日夜三四度不經五日卽瘥屢用神驗其藥春取苗夏取葉及花秋冬用根腫甚者加生椒目二升淋洗畢卽避風并忌雞鵝猪魚羊肉鴨蛋生菜等物○李氏曰此草不著形狀氣味無以考證芣苢亦名水英不知是否以俟查正可也

篇蓄。味苦。兼瀉微甘。氣平無毒。降也。入足太陽膀胱經。

別錄曰。篇蓄生東萊山谷處。處有之。春時蔓延布地。好生道旁。苗似瞿麥。弱莖。節節紫赤。似銀股。葉細綠。似蘆竹。三月花開。節間甚細。微色青黃。或淡紅。似蓼。莖花狀細子。根似蒿。弱難云。王勣曰。此也。

○篇蓄利濕熱。通小便之藥也。其性直遂下行。故本草治

五淋癰閉。黃疸瘡疥。小兒疳蚘。女人陰蝕諸疾。凡屬熱

濕壅閉為患。如物隔而易藏。蓄而不出者。此藥推而下

流。使淋者止。閉者通。疸黃者散。瘡疥者淨。而疳蚘陰蝕

必自已矣。但味性苦瀉而消耗。如胃弱脾虛而作黃疸

陰虛而至淋閉者。宜詳用之。

○集方。治熱淋^生澀^生痛。用篇蓄煎湯頻飲。○治熱濕黃疸。用

篇蓄搗汁一二碗。食前後皆可飲。○治遍身熱血疥瘡。

用篇蓄二兩。歸尾一兩。水煎頻飲。○治痔發腫痛。用篇蓄汁服一二碗于食前。○治惡癰痂痒。或作痛。用篇蓄搗爛。封痂上即止。○治蛇咬心痛面青。口出白沫。垂死。取篇蓄十觔。剉碎。水一石。煎至一斗。去滓。入砂鍋內。緩火熬如餛飩。宿勿食。空心服一碗。蟲即下也。歌云。心頭急痛不能當。我有仙人海上方。篇蓄醋煎通口噤。管教卽刻便安康。○治婦女陰蝕。用篇蓄煎湯。乘熱通手頻洗。

刺蒺藜味甘微苦氣溫無毒

李氏曰蒺藜疾也。蒺利也。其刺傷人甚疾而利也。此藥入于山東諸路及秦州多生道旁春時布地蔓生細葉入夏作碎小黃花秋深結實三角四刺實有仁也。人行多着木屐易云。擗于蒺藜言其凶傷。詩云。蒺藜有笑不可補也。又有一種細蒺藜生同州沙苑牧馬草地上亦作蔓生莖間密布細刺葉如初生皂莢葉整齊可觀七月開黃紫花如豌豆花而小九月結實作莢子長寸許內子如麻碧綠色狀如羊腎嚼之若新茶香頃則轉作豆腥氣隔紙微炒色香勝舊微火煎煮津液不竭者乃真也沈則施曰刺蒺藜與沙苑細蒺藜名雖同而實二種功用氣性亦異也刺者有稜刺以蒺藜橢圓固宜不知沙苑出而細者形如羊腎大如黍粒無稜無刺以蒺藜稱何所取義而云然今附錄

刺蒺藜下以便分辨爾

○刺蒺藜去風下氣行水化癥之藥也其性宣通快便能

運能消行肝脾滯氣多服久服有去滯之功別錄主身

體風癢燥澁頑痺一切眼目翳障等疾甄氏方主筋結

癰瘍肺癰肺痿欬逆膿血等疾蘇氏方主水結浮腫氣
臌喘滿疽黃脚氣等疾李氏方主血結成癥奔豚瘕疝
喉痺胸痺乳難乳岩等疾總而論之別錄所主者風甄
氏所主者氣蘇氏所主者水而李氏所主者卽取其化
癥之意也然四家之說雖有不同究其三角四稜善于
磨運去滯生新是其專成故婦科方中以此催生墮胎
良有以焉但其性溫多燥如陰虛不足精髓血津枯燥
致疾者俱禁用之

○集方治身體風癢燥澁頑痺用刺蒺藜四兩帶刺炒磨

方集出雜錄

爲末胡麻仁二兩湯泡去衣搗如泥歲麩三兩金銀花
一兩炒磨爲末四味煉蜜丸早晚各服三錢白湯下○

治眼疾翳障不用刺蒺藜四兩帶刺炒葳蕤三兩炒
共爲散每早服食後三錢白湯調服○治瘰癧膿潰不
乾用刺蒺藜八兩帶刺炒牡丹皮三兩炒當歸身四兩
炒共爲末蜜丸早晚用○治肺癰肺痿欬唾膿血腥穢
用刺蒺藜五兩帶刺炒百合川貝母各一兩炒每早晚
各服三錢白湯調送○治水結四體虛浮或膨脹喘急
用刺蒺藜一觔帶刺炒葶藶子三兩炒白茯苓四兩炒
共爲末作散每早午晚一日三次每次白湯調服三錢
○治黃疸用刺蒺藜五兩帶刺炒茵陳蒿四兩炒俱爲
末每早晚各取五錢水二碗煎湯飲○治一切脚氣不
問虛實寒熱用刺蒺藜八兩帶刺炒木瓜五兩炒共爲

末每早服五錢。白湯調服。○治惡血積聚。或成癥瘕。用刺蒺藜一觔。帶刺炒乾。漆二兩炒。俱爲末。水發爲丸。如葉豆大。每晚飯後臨睡服二錢。酒下。○治奔豚。瘕疝。用刺蒺藜十兩。帶刺炒。小茴三兩炒。乳香沒藥各五錢。瓦上焙出汗。俱爲末。每服三錢。白湯調服。○治喉痺不通。用刺蒺藜四兩。帶刺磨爲粗末。煎湯徐徐飲之。○治胸痺。膈中脹悶不通。或作痛。用刺蒺藜一觔。帶刺炒。磨爲細末。每早午晚各服四錢。白湯調服。○治乳脹不行。或乳岩流癰。作塊腫痛。用刺蒺藜二三觔。帶刺炒爲末。每早午晚不拘時。白湯作糊調服。○治難產。或胞衣不下。或胎死在腹中。用刺蒺藜四兩。帶刺炒。五靈脂水淘淨。

砂土二兩。川貝母二兩。共爲末。白湯調服三錢。未下再服。○治百病積聚。用刺蒺藜帶刺炒一觔。爲末。水發丸。早晚食前後服三錢。○治鼻塞出水。或多年不聞香臭。取刺蒺藜二兩。研極細。水二大碗。煎取半碗。仰臥。先含飯滿口。以蒺藜湯一合灌入鼻中。不通再灌。令嚏出息。肉似赤蠅蟲狀。卽愈。○治齒牙動搖。或打磕損傷者。用刺蒺藜帶刺生研五錢。以鹽湯稀調。漱口甚効。或以根燒灰揩牙。卽牢固也。○治一切疔毒腫痛。用刺蒺藜帶刺研末。熬膏。以醋和調。封頭上。拔根滅毒。

沙苑蒺藜

味甘兼苦。色黑。藤形如羊腎。細如簾子。與藜子酷相類。但馬藜子形非羊腎。稍粗大耳。須細辨之。

○沙苑蒺藜補腎益精之藥也。其氣清香。能養肝明目。潤

澤瞳人。色黑象腎。能補腎固精。強陽有子。不烈不燥。兼

止小便遺瀝。乃和平柔潤之劑也。

○集方沙苑蒺藜同蓮鬚山茱萸五味子覆盆子鹿角膠。

龜膠魚膠枸杞子熟地黃決明子白茯苓等輩作膏丸

服之駐顏色益氣力明目疾延年種子。○治脾胃虛

飲食不消濕熱成臃脹者用沙苑蒺藜二兩酒拌以真茅

山蒼朮八兩米泔水浸一日晒乾炒。研為末。每服三

米湯調服。

穀精草味苦微辛氣寒無毒入足厥陰陽明經

李氏曰穀精草生江湖南北俱有春時叢生荒穀田中莖葉似穀嫩時高五七寸八九月莖葉稍開花白色點點如乳星喂馬令肥又主蟲癩毛焦之疾一種莖長有節根葉赤者出秦隴間亦可入藥

○穀精草祛風清火之藥也開寶方主喉痺目障齒痛頭風瘡疥諸疾五證皆君相二火上壅攻作熱則生風風火相扇故爲是病此藥輕浮潔白秋成得辛清肅之品也喉齒頭目瘡疥之疾本乎風火爲患故悉主之其喂馬主蟲癩毛焦等病者以馬性多熱又爲風熱所傷故爲是病宜其用之原其入肝清調肝氣又爲眼科散目翳之要藥而兒科諸疳雀目之證亦必需之除喉齒頭目疾之外餘無他用

繆仲淳先生曰此藥于田中收穀後多有之田低而穀
爲水腐得穀之餘氣而生故曰穀精其亦得天地之和
氣者歟兔喜食此草故兔糞爲日疾家收用如此草未
出時兔糞又不可用也

○集方治喉痺急_方脹用穀精草洗淨搗汁和米醋漱汨喉
間一二次隨消○治目生翳障_方隱澁淚出用穀精草爲
末以羊肝煮熟竹刀切片蘸食此方治痘後翳障更宜
○治小兒雀目_方至晚不能視物用羯羊肝一具竹刀剖
開入穀精草一把瓦礫煮熟日食之極効如不肯食搗
爛作丸菴豆大每服三十九茶下○治風熱齒痛以穀
精草搗爛加食鹽少許揩痛處半日効○治瘡疥痒痛

藥膏用穀精草搗爛擦之旋消。或日乾同金銀花各半煎湯飲。○治偏正頭風痛用穀精草一兩爲末以麵糊調攤紙上貼痛處乾後或用穀精草末銅綠各一錢火硝三分共研極細貼左右喙鼻。○治頭腦痛并眉骨痛用穀精草二錢地龍三錢乳香一錢共爲末每用五分以紙裹筒燒烟隨左右熏鼻。

海金沙味甘淡微苦氣寒無毒沉也降也入足少陰手足太陽經血分藥也

李氏曰海金沙出黔中江浙湖湘川陝皆有生山林下莖細如線引竹而上高尺許葉如圓菱細而且薄而背俱青嫩紋中有沙狀似蒲黃不作花實根細堅強沙及莖葉皆可入藥七月采其全科日中曝之少乾用紙承覆以杖擊之有沙落紙上且曝且擊以少盡為度

○海金沙淡寒利竅之藥也專通利小便主熱血膏淋莖中澀痛等病又主陽明氣熱傷寒熱狂之疾此釜底抽薪之義也但其性淡滲而無補益小便不利及諸淋病由于腎水真陰不足者勿用

盧不遠先生曰似金而體輕似沙而質滑草氣之生沙猶水體之成冰合入足少陰腎足太陽膀胱主溺沙石

者恰當

經本草

○集方治小便不通。臍下滿悶。用海金沙一兩。臘茶五錢。

共爲末。每服三錢。甘草湯調下。○治血淋并淋方。澀痛。但利水。

道則清濁自分。用海金沙末。蜜湯調服一錢。○治腎淋。

如油。用海金沙滑石各一兩。甘草梢三錢。共爲末。每服

二錢。麥門冬煎湯調下。早晚各一次。○治熱淋急痛。用

海金沙一兩。滑石三錢。車前子五錢。三味共研極細。每

服三錢。白湯調。再加生白朮汁五六匙。早晚各一次。○

治傷寒陽明實熱。用海金沙五錢。配山梔子。牙硝。硼砂。

各三錢。共研細。每服三錢。早午晚各一次。白湯調下。○

治濕熱腫滿。腹脹如鼓。喘不得臥。用海金沙五錢。白朮。

苓二兩。甘草二錢。黑丑頭末一兩。共爲末。每服一錢。白湯調下。早晚各一次。

見腫消。味酸苦澁。有微毒。

蘇氏曰。見腫消。古生筠州。今南北地俱有。春生苗葉帶紫色。高一二尺。葉似桑而光。而青紫赤色。永不枯時。

見腫消。消癰疽。腫毒。及犬咬傷損。搗葉貼上。卽消。

○集方治一切腫毒。及傷寒遺毒。發于耳之前後。及項下。

腫硬。用見腫消。配白及。白歛。大黃。大薊根。山慈姑。葶麻根。各等分。生搗成餅。入芒硝一錢。和貼患上。留頭乾。卽易之。

紫花地丁。味苦辛。氣寒。無毒。

李氏曰。紫花地丁。處處有之。其葉似柳而微細。夏開紫花。結角。平地生者。起莖。溝渠邊生者。起蔓。又鄉村籬落邊生一種。夏秋開小白花。如鈴兒。倒垂。葉比紫花者稍短。恐與紫花者相混。宜辨明用。

○紫花地丁。解一切惡瘡疔毒之藥也。故綱目方治癰疽。

諸發疔腫。一切無名惡毒。搗汁和生酒服。將澤敷。患

上立時消解。此仙方也。

○集方。治癰疽惡瘡。用紫花地丁草連根同蒼耳葉各等

分。搗爛和生酒一鍾。絞汁服。○治癰疽發背及無名諸

腫。用紫花地丁三伏時收。搗爛以白麵和成餅。用鹽醋

浸一夜貼之。○治疔瘡惡毒。用紫花地丁搗汁服。雖極

者亦効。○治喉痺腫痛。用紫花地丁葉入醬少許研膏

點入喉間取吐。治黃疸內洗。用紫花地丁為末。白湯

調服三錢。治癰發熱盛作喘。取白化地丁搗汁。隨湯

溫服半盞。立時解毒。治喘。治癰。治毒。

半邊蓮。味辛。苦。氣平。無毒。

李氏曰。半邊蓮。生陰濕處。葉如魚尾。花如細梗。細葉引蔓。節節而生。秋開小花。淡紅色。如蓮花狀。只有半苞。故

半邊蓮。治蛇蝎及諸蟲所傷。絞汁飲。以滓隔塗患上。

効。本時珍方。